

## KONVENCIJA BROJ 16

### O OBAVEZNOM LJEKARSKOM PREGLEDU DJECE I MLADIĆA ZAPOSLENIH NA BRODOVIMA, 1921. god.

Generalna konferencija Međunarodne organizacije rada, koju je u Ženevi sazvao Administrativni savjet Međunarodnog ureda rada i koja se sastala 25. oktobra 1921. god. na svom trećem zasjedanju, budući da je odlučila da usvoji izvjesne prijedloge koji se odnose na obavezni ljebarski pregled djece i mladića zaposlenih na brodovima, pitanje koje je sačinjavalo osmu tačku dnevnog reda zasjedanja, i budući da je odlučila da ti prijedlozi dobiju formu Međunarodne konvencije, usvaja sljedeću konvenciju, koja će biti nazvana Konvencija o o obaveznom ljebarskom pregledu djece i mladoća zaposlenih na brodovima, 1921. god. na ratifikaciju državama članicama Međunarodne organizacije rada, a u skladu sa odredbama Ustava Međunarodne organizacije rada:

#### Član 1.

U smislu ove konvencije izraz "brod" označava sve brodove i lađe, ma kakvi bili, a koji su javna ili privatna svojina, izuzimajući ratne brodove.

#### Član 2.

Izuzimajući brodove, na kojima su zaposleni članovi samo jedne porodice, djeca i mladići ispod osamnaest godina starosti mogu biti zaposleni na brodu tek pošto podnesu ljebarsko uvjerenje koje potvrđuje njihovu sposobnost za rad koje im je izdao ljebar kojeg je ovlastio nadležni organ.

#### Član 3.

Zapošljavanje ove djece ili mladića na pomorskim radovima moći će se produžiti jedino ponovnim vršenjem ljebarskog pregleda u vremenskim razmacima koji ne prelaze godinu dana, i putem podnošenja, poslije svakog novog pregleda, ljebarskog uvjerenja, kojim se utvrđuje sposobnost za pomorski rad. Ipak, ako to ljebarsko uvjerenju istekne u toku putovanja, ono će biti produženo do svršetka putovanja.

#### Član 4.

Nadležni organ može, u hitnim slučajevima, dozvoliti mladiću ispod osamnaest godina starosti da se ukrca na brod bez podvrgavanja pregledima predviđenim u članovima 2. i 3. ove konvencije, pod uslovom da taj pregled bude izvršen u prvom pristaništu u kojem brod bude pristao.

## Član 5.

Formalne ratifikacije ove konvencije, u skladu sa uslovima navedenim u Ustavu Međunarodne organizacije rada, biće dostavljene generalnom direktoru Međunarodnog ureda rada koji će ih registrovati.

## Član 6.

1. Konvencija stupa na snagu dvanaest mjeseci nakon što generalni direktor registruje ratifikacije dvije države članice.

2. Ova konvencija obavezuje samo države članice Međunarodne organizacije rada čiju je ratifikaciju registrovao generalni direktor.

3. Nakon toga, ova konvencija stupa na snagu, za svaku državu članicu, dvanaest mjeseci od dana registracije njene ratifikacije.

## Član 7.

Nakon što Međunarodni ured rada registruje ratifikaciju dvije države članice Međunarodne organizacije rada, generalni direktor Međunarodnog ureda rada će o tome obavijestiti sve države članice Međunarodne organizacije rada. On će ih isto tako obavijestiti o registraciji ratifikacija koje su mu nakon toga dostavile države članice Organizacije.

## Član 8.

Svaka država članica koja ratifikuje ovu konvenciju obavezuje se da će primjenjivati odredbe iz članova 1., 2., 3. i 4. najkasnije od 01. januara 1924. god. i da će poduzeti sve potrebne radnje kako bi ove odredbe bile efektivne.

## Član 9.

Svaka država članica Međunarodne organizacije rada koja ratifikuje ovu konvenciju obavezuje se da će je primjenjivati na svoje kolonije, posjede i protektorate, saglasno odredbama člana 35. Ustava Međunarodne organizacije rada.

## Član 10.

Svaka država članica koja ratifikuje ovu konvenciju može je, po isteku desetogodišnjeg perioda od njenog prvobitnog stupanja na snagu, otkazati aktom koji se dostavlja generalnom direktoru Međunarodnog ureda rada koji ga registruje. Otkaz stupa na snagu po isteku godinu dana od registracije akta o otkazivanju.

## Član 11.

Kad god to smatra nužnim, Administrativni savjet Međunarodnog ureda rada podnosi Generalnoj konferenciji izvještaj o primjeni ove konvencije i razmatra da li je potrebno na dnevni red konferencije staviti pitanja njene potpune ili djelimične revizije.

Član 12.

Tekstovi ove konvencije na francuskom i engleskom jeziku su jednako punovažni.

**Primjedba:**

**Ustav:** član 35. Ustava Međunarodne organizacije rada